

Pressiteedüs 19. mai 2011

## **Kolmanda Uma Pido lavalõsäädjä om Tarmo Tagamets**

**17. mail valisi Uma Pido toimkonna puult volitõdu komisjon 2013. aastagal Võrol tulõva kolmanda Uma Pido lavastajat. Lavastajakonkursilõ tull' kolm kandidaati. Komisjoni valisi Tarmo Tagametsa, kiä om parla Võro Liinatrii kunstiline juht.**

Komisjonilõ miildüsi Tagamõtsa mõtõ pruuki pido ettevalmistuisin ja lavastusõn kujondina Võhandu jõkõ, miä pututas kuut vana Võromaa katsat kihlkunnast. „Kõnõldas, et Võhandu jõkõ müüdü tull' vanalõ Võromaalõ edimädse' inemise', mi edevanõmba'. Sama vesi juusk nii Urvastõ ku Räpinä kihlkunnan, taa kõüt meid ütte. Minnu huvitasõ' mi edevanõmbidõ tii' ja uskmisõ', tuuperäst taha ma tiidä' ja tundma oppi seo ilosa jõõ mälehtüisi ja aoluku,“ kõnõl' Tagamets. „A kats kihlkunda (Karula ja Harglõ), midä Võhandu ei pututa, kuis mi noid ütte kõüdämi?“ küsse komisjon. „Sääl om Mustjõgi ja ma jätässi üte võrokõsõ muudu krutskilidse küsümüse õhku: kon om Võhandu ja Mustjõõ kokkosaamisõ kotus?“ vastas' Tagamets.

„Peris rassõ oll' otsusta',“ üt' komisjonin olnu Aapo Ilves, „olõs kolm pito kõrralda', olõs kolm lavastajat kah võtnu...“.

Kolmas Uma Pido tulõ 1. juunil 2013. Parla käü võrokeelitside koorilaulõ ja -säädide konkurss võrukeelitse lauluvara suurõmbas tegemises. Pia om uuta Uma Pido ja Uma Laulu võigõlusõ hitte katsikplaati kõrraldavidõ asotuisi vaihõl sõlmitas kuuntüülepung.

Lähemb teedüs:

Triinu Ojar

Projektijuht

Võro Selts VKKF

tel 533 22 153

triinu.ojar@wi.werro.ee

[www.umapido.ee](http://www.umapido.ee)